

癸亥政變紀要

癸亥政變紀略

于右任



中華民國十三年十二月四版

本書

實售大洋八角整
外埠加寄費八分

癸亥政變紀略

(全 一 冊)

編輯者 劉 楚 湘

發行者 劉 楚 湘

印刷者 泰東圖書局

總代發行所泰東圖書局

上海四馬路一二四五號

經售處分局開設南京花牌樓

特約代售處重慶唯一書局

變紀略
變紀略

長樂黃葆鈺



癸亥政變紀略序

民國興。十有二年。爲總統者若眞若僞凡五。其一以憂悸死。其二被迫以去。項城自作不靖。西南致討而大命踣。固無曹焉。徐氏起不以正。悖而得之悖而失之亦宜。獨黃陂首義武昌。行事順則兩居極位。未嘗有所陵犯于人。亦兩被逐。古所謂天之所助者順。人之所助者信。乃若是其無驗耶。承平者尙文。處亂者任武。無中堅爪牙之力。而倔居于驕將亂卒上。雖唐堯不能終日安也。當北賊黜其大酋徐世昌也。余聞黃陂將再起。從上海密致二書。說以杜門高枕。偃仰三月。以待時之變。言不見從。固知其敗也。黃陂既就職。又告以西南數省。不稟號令。猶孫劉在建安然。其實則外援也。慎毋日言統一。以自召侮。斯說雖見聽。僅支一年。而終不可療矣。信乎部曲既散。則不可以爲亂世之元也。雖然。西南亦不能無過焉。當黃陂退處上海。其地猶彈丸。雖置政府。非有東晉南宋之勢。然密受成言。期于致果者。猶有數部。是故置政府者。非以規利。其實爲西南分憂。西南諸省。獨雲南最遠。始聞政變。不能無疑沮。及爲之釋言。交以信使。則豁然無異辭。其他多爲橋度者所制。論議躊躇。不肯決策。政府亦卒不就。由是強賊恣睢。無所憚。而西南被其兵。全蜀淪陷。其餘皆桎梏不自保。一言之間。至于喪其邦。斯誰之咎歟。謀國大事也。異于家人生產。然今人多易言之。黃陂既不戒於前。而西南又輕悅少算。以自取禍。若是者。人謀之不善也。非天道也。國會議員雲南劉楚湘爲癸亥政變紀略。蓋道其實也。甲子初春章炳麟。

癸亥政變紀略序

騰衝劉子夢澤編癸亥政變紀略成問序於予。予受而讀之。竟喟然太息曰。士之行已有恥。重名節如生命者。非獨爲一時辱身及親懼也。懼夫後之考事論世者。皆指目而數之曰。某也賢。某也奸。某也渠魁。某也脅從。甚者詰其里居遠近之所。與夫子孫盛衰之狀。而爲之愉快悲憤。勃然於胸中。恍若起其人而崇奉之。或欲得其人而甘心焉者。是果何預於人。而孰使之然哉。書曰。維皇上帝降衷於下民。若有恆性。詩曰。天生烝民。有物有則。民之秉彝。好是懿德。是人性之好善惡。有出於不容自己而同然。亘古今橫中外。無或異者。天爲之也。天道福善禍淫。而不能無或爽之一時。然人者。天地之心。則所以輔相裁成爲之。立其心以立生民之命。撥亂世而反之正者。繫誰之責也。皋陶曰。天工人其代之者。非歟。若相與泯泯。勢隨潮流而波靡。幾何不載胥及溺。所謂障百川而東之。迴狂瀾於既倒者何耶。况乎予行之不迷。雖顛沛其何傷。彼迷行者。苟有夜氣復存之一日。雖欲盡返其所獲。以求復故吾而不可得。而况辱身及親之禍。已有及身而卽不能倖免者。吾甚怪夫此次政變之倒行逆施者。於彼固有之權利。果何所增益。而徒枉自爲小人。干冒天下之大不韙。以貽唾罵。孟子曰。逢惡之罪大。誠哉是言。至若衆所藉以造亂者。於當時之危言忠告。充耳不聞。迨其亂成。雖孝子慈孫。百世不能改。是誠何心哉。豈天固醜其德而塞其聰。不欲使之克循軌道以正厥位。而必集羣小陷之以遺厥臭歟。故雖有有力者在其旁。亦渙浥隱忍。坐視其惡而莫之救歟。抑吾民何辜。而遭亂之未已也。天下囂然其不靖。儼焉若不可終日。果誰實爲之。而誰實

致之者。孔子曰。君子成人之美。不成人之惡。吾尤痛夫此次同人之惡。爲若輩所成者。竟如此其彰且衆也。易曰。開國承家。小人勿用。孰使彼不仁者。竊據高位。而如此之播惡於衆。以禍國乎。是則事有緣起。罪有攸歸。天下後世。皆得指目而數之曰。某賢。某奸。某渠魁。某脅從。以垂爲炯戒。予故彙括其旨於簡端。以告世之讀是紀略者。予心滋戚矣。民國甲子正月甲寅朔立春日。曲靖孫光庭譔。

癸亥政變紀略序

騰衝劉湘楚君是書。目凡廿九。語其要歸。則以明此次迫逐總統。賄買議員一事而已。當軍警之圍逼總統也。所謂代表國民之國會。開會不成。議員中之尤不肖者。方幸其身之得賣。皇皇焉慮時機之或逸。故雖九域湧動。而充耳無聞焉。參議院開談話會。討論此事。愚以駑鈍。被推領銜。電話曹錕吳佩孚。以彼重鎮京畿。值此變起非常。豈能坐視不理。而曹吳嘿然也。及黃陂離京。兩院會合開會。草草以不合法之手續。宣告自六月十三日起。黎元洪所發命令文電。概不生效。論者謂曹錕以暴力迫逐總統。國會從其後。而以法律的形式追認之。愚時欲有所匡正。曾發表一書。以其有關時局。爲是書所不載。故附錄之。

國會現時應辦之三事

國會現時應辦之事。最切要者有三。必此三事有辦法。而後憲法與總統兩問題。始可得一正當之解決。

(一)應開憲法會議。解釋大總統選舉法第五條第二項之規定。

今茲政變。應依大總統選舉法第五條第二項之規定。尙不失爲正當之見解。但大總統選舉法。係憲法之一部。解釋憲法。惟憲法會議專之。所謂憲法會議者。非有議員總額五分之三以上之出席。不得開議。本月十六日兩院會合。以議員過半數之出席。解釋憲法。在法律上毫無根據。無怪人之反對也。故主張開憲法會議以救濟之。

(二)應由憲法會議解決大總統選舉法第五條第二項之缺文。(即國務院組織不備時。應由何種機關攝行大總統職務之問題。)本席以爲當日制憲諸君。未曾預想大總統因故不能執行職務時。副總統同時缺位。又無合法組織之國務院。此次政變。蓋適逢其會耳。所幸國會正在制憲期中。可以彌補其缺。謂宜於第五條第二項「由國務院攝行其職務」之下。加以「國務院組織不備時。由兩院會合選舉委員七人。攝行其職務。」或如景君耀月等所提案。本席亦贊成之。至於現在之國務院。既無國務總理。僅三四辭職已准之國務員。當然不能構成國務院組織之要素。其無權攝行大總統之職務。無待言也。

(三)應提案查辦軍警當局。

大總統黎元洪。因故不能執行職務。其所因者何故耶。曰軍警之壓迫。市民之包圍而已。關於軍警之壓迫。尙有可以藉口者。至於市民之包圍。彼時所謂軍警者安在。何以不加干涉。此有可以藉口者乎。本月十九日。衆議院門前。有市民者十六人。號稱包圍議員。立即爲軍警所捕。且得其指使。

之人焉。當日新華門東廠胡同之市民。數以千計。彼軍警者。熟視無覩。是何後之勤恪。而前之疎忽耶。抑以議員在所保護。而總統在所蹂躪也。當市民之集於新華門。鄙人適驅車而過。目覩其狀。所謂市民者。其前導則手持白旗。列隊而行。恍如送葬之鹵簿。語其流品。實在洋車夫與乞丐之間。而總統府稀疏之衛隊。似預知其事。且敬禮有加者。因念年來教職員與學生之請願。流血折臂於新華門者。相枕藉也。以此例彼。令人有無窮之感焉。嗚呼。我兩院同人。吾中華民國。苟不欲自完其體面。則已不然。對於此種明目張胆。無法無天之軍警。當局安可不一課其責也。

此書所提議。自謂平實易行。然猶不爲多數所容納。擾攘數月。彼壞法肇亂之徒。不聞有絲毫之懲創。而賄選卒告成功。民國以來。議員之作姦叢垢。亦既不可以俚指數矣。然往往陰行貨賄。訟言法律。或則事體輕微。無關大計。從未有綱紀所關。人格所繫。而公然賣身爲虎作倀。如此次政變之甚者。凡一制度之將廢也。必有其不得不廢之事實。豁然呈露於衆人之前。雖利於其制度之存在者。猶不得爲之辯護。或反暴露其短而顛踣之。然則劉君是書。直影響於中國代議制度之存廢。豈止爲一事而發哉。民國十三年一月潘大道。

癸亥政變紀略序

國家變革之際。武夫恣權。難可裁抑。古今中外。理勢常同。然禍亂糾紛。必有由肇。識時賢哲。窮厥端委。論列是非。因時立言。足資龜鏡。斯固著作之林。難能可貴者也。騰衝劉子夢澤。任中華民國第一次國會案。

議員震麟與之同列。平昔主倡。未必盡同。而欲本其天職。與暴虐政府相搏戰。樹國紀綱。陳民藝極。其趨則一。君主時期。鼎革之後。誅夷驕桀。專賴一人威福。致之小康。今者締造艱難。制採民主國會。代宣民衆意志。共圖長治久安。淬勵忠讜。不忘所託。免貽以往君主竊笑於前。固吾人所共求也。會北洋軍人首惡袁氏始謀稱帝。而國會一蹶。繼袁者更守武力統一遺策。而國會再蹶。西南各省。倡義護法。中樞失馭。相與睽離。因而自斃。不能慎厥始終。國會三蹶。於是北洋軍人餘孽。因緣爲奸。構成癸亥政局奇變。爭攘盜竊。置元首如奕棋。衰季羣盜之所爲。於今見之。渙散之國會。遭屯遘之運。不肖者或且爲俚。未能一致自拔。益爲社會所詬病。劉君夢澤。癸亥政變紀略。乃不得已而作矣。夫武暴恣毒。謂可爲治。則前史之例。人心之公。治亂剝復之理。皆難憑信。又復何言。至若由今之道。無變今之俗。愁苦之民。決不能忍而與此終古也。則夢澤之言。行之當遠。非徒賈生空言太息而已。風雨如晦。鷄鳴不已。事會之來。國自有人。願與夢澤共勉之。民國甲子初春。甯鄉周震麟。

癸亥政變紀略序

民國十一年夏。直軍將領席戰勝之餘威。逐徐世昌而奉黎元洪爲法統上之總統。環請復職。至十二年則又逐黎元洪而去之。由是陪臣專政。賄買國會。以行大總統之選舉。此癸亥政變所由作也。其事與史書楚漢之際。項羽立義帝爲楚後。奉爲共主。旋又弑義帝而自立。正同一例。其背叛篡奪之跡。昭然若揭。

當其時苟有爲奉迎黎總統而討賊者。師出不患無名。無庸假國會爲號召。國會南下之役。以遷地制憲爲幟志。吾儕頗欲據國會而超立於武力對抗範圍以外。併力制憲。以自保其尊嚴。不幸事敗。乃力謀反對賄選。反對無效。國會自身。至於肢解體分。喪精亡魂。無復人理。此則不佞所最痛心之一事也。今北京號稱由國會公布之憲法。國人乃熟視而無覩。而其成立之際。由吳景濂指定三十人組織整理條文委員會。提出憲法全案於三讀會。尤爲非法。當然不生效力。蓋所謂整理條文委員會者。在民國法律上無此物也。今後民國憲法問題。何道之由。始能解決。惟有訴諸國民之一途。斯又吾儕未竟之責也。騰衝劉議員楚湘。爲癸亥政變紀略若干卷。屬爲序其端。因述所懷。以質國人。民國十三年一月泰和湯漪。

◀泰東圖書局出版新書要目▶

一 文學彙

托爾斯泰小說初集	定價	六	角
托爾斯泰小說二集	實價	四	角
托爾斯泰傳一冊	定價	六	角
文藝復興(英國W. Pater著)	印刷		中
中國文學史(曾毅著)	定價	一元八角	角
近代文學家	實價	五	角
西廂(新式改編)	實價	五	角
薔薇之路(田漢著)	實價	二	角

二 哲學彙

人生之實現(印度太戈兒著)	定價	五	角
美學原理(蕭石君譯)	實價	四	角
杜威三大演講合刊	定價	一	元
教育哲學	定價	一	角
哲學史	定價	五	角
試驗論理學	定價	三	角
杜威羅素演講合刊	定價	三	角
古學卮言(朱謙之著)	實價	三	角
無元哲學(朱謙之著)	實價	五	角
唯情哲學(袁家驊著)	實價	三	角
孟子政治哲學(陳顧遠著)	實價	六	角

三 法政經濟彙

內務部編 地方自治講義

平裝十二厚冊 實價五元

地方自治通論

實價四角五分

地方自治精義

實價一角五分

政治經濟學（法國季特著）

定價三元五角

傅克思氏經濟學

定價六角

外國匯兌詳解

定價二元

衛士林氏支那貨幣論（楊端六譯）

定價六角

商人寶鑑 經商要素

定價一元

近世社會學

定價二元

失業者問題

定價一角五分

勞動總同盟研究

定價四角

新俄國研究

實價四角

勞農政府與中國

實價五角

社會經濟叢刊

實價四角五分

近世經濟思想史論（日本河上肇著）

定價五角

貧乏論（日本河上肇著）

定價二角

中國家庭問題（易家鉞著）
羅敦偉

實價五角

婦女職業問題（易家鉞著）

實價二角五分

四 史 地 彙

中華民國開國史（谷鍾秀著）

定價 八 角

中國近時外交史（劉 彥著）

定價一元八角

歐戰期間中日交涉史（劉 彥著）

定價一元四角

教育部審定
中學師範用外國地理（谷鍾秀著）

特製定價二元
平裝定價二元六角

五 雜 刊

牘盒客座談話（吳稚輝著）

定價一元二角

肺勞預防及療養

實價三角五分

國民高小教本白話信範本三冊

每 冊 一 角

新體分類白話信

精裝二冊定價七角
平裝二冊定價五角

悲慘世界（小說）蘇曼殊大師著

實 價 三 角

新華春夢記楊塵因著

大本定價五元
小本定價三元五角

三國志演義

洋裝布面一冊定價三元
平裝四冊一匣定價二元四角

此外出版書籍，名目繁多，不及畢舉。本局特印有詳細目錄，函索即

寄。外埠函購，請加郵費一成。

先生研究——

英文麼？

下列各書，是研究英文的唯一良友！

農立 英文記憶法 定價三角五分

農立 英文類語解 定價三角五分

英照 泰谷兒小說 實價五角

英照 柴霍甫小說 實價五角

蘇曼 漢英三昧集 實價五角

蘇曼 拜輪詩選 實價三角

孤芳集的！

出版物！

王新命著

(1) 蔓羅姑娘——三幕劇——實價二角五分

書中敘一華父俄母之混血兒——少女的一生事
實，此少女備嘗辛苦，而其愛人所棄，少女
因送其愛人至車站，而其愛人竟怒目斥之，
而攀車欲上，車守推之下，因之一腿為火車所
碾斷云云！

(2) 狗史——小說——實價二角五分

此書以東京一小狗為主人翁，所述亦僅止於此
小狗一星期中之生涯，然從其背景觀之，則知
此書實以東京留學界所稱七人組文學青年為其
中心，其所描寫，亦多係此七人組文學青年之
生活狀態也！

(3) 黃昏記

(4) 飄流三年

(5) 小橋

以上各種書
均在印刷中

上海泰東圖書局發行

影印詩經原始

(全書八冊)
(外贈布套)

●甲種連史紙實售三元

●乙種有光紙實售二元

本書著者方石先生之言曰：「講學者不可言詩，考據家亦不可言詩。」蓋一則泥於義理，一則拘於訓詁。詩固具有其天真之妙趣，非沾沾於說理解句者所能豁然領悟。可謂獨具隻眼，深得作詩之原始；故敢盡情痛駁序傳，及後儒之增會之誤謬。胡適之博士謂是書爲漢以來解詩之第一名著。北大東大已採爲課本。其書之價值已可想見。

標點校釋

尙書去僞

(全書一冊)
實售三角五分

●支偉成先生編

●黃炎培先生序

蔣維喬先生小引曰：『尙書在秦火後，罹厄者屢；古文今文，莫辨正僞。自太原閭若璩出，作古文尙書疏證，辭而闕之，文之正僞乃始矚然可曉。然教學所資，仍一準梅賾僞古文尙書迄未思有起而刪定之者。今支君偉成，學書有得，博輯清儒之學，斟酌漢宋，兼采今古，補蒐篇章，校正字句，成尙書去僞一書，以便學者，不可謂非尙書之幸已！』

上海泰東圖書局發行

上海泰東圖書局發行



民謠集

中孚先生於職司兒童教育之餘，採集浙西民謠六十首，以成此書，寫鄉村農民生活，至情入理，不啻爲處於舊社會制度下不自然結果之反映。文字淺顯，意義明瞭，音節自然，尤爲兒童讀物之上品焉。

何中孚先生編

郭沫若先生序

實售大洋二角

301400

實用衛生常識

我國人士，大都不講衛生，故危險之流行病極易傳染。每年因此而亡者，更不知累幾千萬人。推厥其因，蓋皆無衛生常識之故也。張君克成，深精醫理，有鑒於此，因特編是書以問世；讀之於疾病之預防，體健之增進，以及日常飲食行動間之衛生，均有所指示而得益焉。世欲求延年卻病之方者，舍此無他道也。

張克成先生著

姚伯麟先生序

實售洋一角五分

●總發行所在上海四馬路二一四一號●